

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Odbor za pravdu, opću upravu i lokalnu samoupravu

Broj: 02/16-02-1129/21
Sarajevo, 27.05.2021.god.

Na osnovu člana 70. Poslovnika o radu Doma naroda Parlamenta Federacije Bosne i Hercegovine, Odbor za pravdu, opću upravu i lokalnu samoupravu Doma naroda Parlamenta Federacije Bosne i Hercegovine je, na sedmoj sjednici Odbora održanoj 27.05.2021. godine razmatrao:

- 1. Prijedlog zakona o izmjenama Zakona o izvršavanju Budžeta Federacije Bosne i Hercegovine za 2021.godinu – hitni postupak;**
- 2. Prijedlog zakona o izmjenama Zakona o visini stope zatezne kamate na javne prihode – skraćeni postupak;**
- 3. Tekuća problematika**

Na osnovu člana 51. stav 1. Poslovnika o radu, Odbor za pravdu, opću upravu i lokalnu samoupravu, podnosim Domu naroda sljedeći

I Z V J E Š T A J

- 1. Prijedlog zakona o izmjenama Zakona o izvršavanju Budžeta Federacije Bosne i Hercegovine za 2021.godinu – hitni postupak**

Ustavni osnov za donošenje ovog zakona sadržan je u odredbi člana III. člana 1. tačka c) i g), koji je izmijenjen amandmanima VIII, LXXXIX i CVI i odredbi IV.A. člana 20. (1.) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije kao i finansiranje djelatnosti federalnih vlasti, ustanova i institucija koje federalne vlasti osnivaju, a Parlament Federacije Bosne i Hercegovine je, uz ostale nadležnosti predviđene Ustavom, odgovoran za donošenje zakona o obavljanju dužnosti federalne vlasti.

II – RAZLOZI ZA DONOŠENJE

Predloženim izmjenama Zakona, osigurat će se da se raspoloživa sredstva u Budžetu Federacije Bosne i Hercegovine za 2021.godinu, utvrđena na razdjelu 16. Budžeta, ekonomski kod – „Tekući transferi drugim nivoima vlasti i fondovima – Kantoni i Općine“, u iznosu od 10.000.000 KM i „Kapitalni transferi drugim nivoima vlasti i fondovima – Kantoni i Općine“ u iznosu od 20.000.000 KM, blagovremeno i na efikasan način, a na osnovu Odluke Vlade Federacije BiH o utvrđivanju kriterija i raspodjele sredstava općinama i gradovima dodjele istima, bez obzira na izostanak aranžmana s Međunarodnim monetarnim fondom, a s obzirom da se radi o značajno velikim sredstvima, takva izdvajanja sredstava neće ugroziti likvidnost budžeta niti će ga destabilizirati.

Nakon uvodnog izlaganja vođena je rasprava u kojoj su učestvovali predsjednik i članovi Odbora, nakon čega je donijet

ZAKLJUČAK

Članovi Odbora za pravdu, opću upravu i lokalnu samoupravu u općem pretresu su utvrdili da postoji ustavni osnov za donošenje i nemaju primjedbi na predloženi Prijedlog Zakona o izmjenama Zakona o izvršavanju Budžeta Federacije Bosne i Hercegovine za 2021.godinu – skraćeni postupak u domenu svoje nadležnosti i predlažu Domu naroda da razmotri Prijedlog Zakona o izmjenama Zakona o izvršenju Budžeta Federacije Bosne i Hercegovine za 2021.godinu – hitni postupak, u tekstu kako je predložila Vlada Federacije Bosne i Hercegovine.

2. Prijedlog zakona o izmjenama Zakona o visini stope zatezne kamate na javne prihode – skraćeni postupak

Ustavni osnov za donošenje ovog Zakona sadržan je u članu III.1. tačka c) koji je izmijenjen amandmanima VIII, LXXXIX I CVI i članu IV.A.20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostale ovlasti predviđene Ustavom, odgovoran je za donošenje zakona o obnašanju dužnosti federalne vlasti.

Razlozi za donošenje Zakona:

Zakonom o visini stope zatezne kamate na javne prihode, propisana je mogućnost otpisa zateznih kamata nastalih po osnovu dospjelih, a nenaplaćenih javnih prihoda sa stanjem na dan 31.12.2016.god.

Otpis kamata se odnosio na kamatu na nenaplaćene javne prihode (glavni dug) nastao zaključno sa navedenim datumom, s tim da se glavni dug izmiri najkasnije do 31.12.2020.god. kada se kamata otpisuje u iznosu od 100 %. S obzirom na efekte spomenutog Zakona, predlaže se produženje roka otpisa zatezne kamate na javne prihode.

Nakon uvodnog izlaganja vođena je rasprava u kojoj su učestvovali predsjednik i članovi Odbora, nakon čega je donijet

ZAKLJUČAK

Članovi Odbora za pravdu, opću upravu i lokalnu samoupravu u općem pretresu utvrdili su da postoji ustavni osnov za donošenje i nemaju primjedbi na predloženi Prijedlog Zakona o izmjenama Zakona o visini zatezne kamate na javne prihode – skraćeni postupak, u domenu svoje nadležnosti i predlažu Domu naroda da razmotri Prijedlog Zakona o izmjenama Zakona o visini stope zatezne kamate, u tekstu kako je predložila Vlada Federacije BiH.

Za izvjestioca na sjednici Doma naroda ispred Odbora za pravdu, opću upravu i lokalnu samoupravu, određen je Senad Čeljo, predsjednik Odbora.

PREDSJEDNIK ODBORA

Senad Čeljo